

niya mtberaw pplaka sku llahuy na sin-gi'u

nisan slwan tikay lku kayan lga, tcyahaw kuzing nyaway yemangay sku glabang balay na tetanux babaw kayan. siy tbah txan muw na niya tberaw plaka sku llingay rrgyax ru yeyunan ga, memaw pyang glabang balay ru rahu balay ru inrux balay na sinrxan nya. wiy niya nya 'mukan nku kkhoni ru lgiy niya nya smagan nku a'abaw. memaw wayan mtgawyaw ana n'inu na lllahuy, niwan sa limu ka niya ta ttxan. ana son kani mta'yux uzi ga, niwan 'siy ga ruyux balay na m'u wayan niya kpahan kwara lllahuy nku sin_gi'u hasa.

kyan utux ryax, yutas ru yaki musa mta'yux kinbahan nya niya miru sku hugan heci. mcisan laha ki kinbahan nya ru kyalun nya tikay ku kay Tayan ga, ini ga p'usan nya tikay ana nanu yuwaw ga, ini kba balay smyuk tikay ru ini kba mung ana utux kay na Tayan. misu ryax hani lga minkux balay ku yutas yaki nya lnglung maha, " pkusa nanu kwara kinbahan ta babaw nya la! " huwa ana utux kay na Tayan ga ini naha ba'iy kmayan tikay la? kinbahan ta hani lga, myay sa sin_gi'u hani ku pmemung kwra la. asa niya pplaka sku glabang balay na rrgyax ru yeyunan memaw nya 'syexan kwara, ungat balay utux tu'iy ku hhalan nya ptkruh kya la.

nanu asa ru ita na la'i Tayan ru kinbahan na Tayan ga, aring myup sku tnahun naha hmyaw kinyanux ru ungat tikay la shri naha ku ryax naha ru hbayaw s'yung uzi ku m'yanux tayan naha, memaw pzingat kwara ku 'ngyat kbag musa miru kinba'an naha nki thuyay mrraya balay tunux ku lla'i naha, lunga sa siy ggluw maha kasa ku kinyanux kinbahan na lla'i ta musa kbag uzi. ttwangun ini kba kmayan hazi kay ta Tayan uzi ku yaba yaya ta ru ana yutas yaki ga siy mhmud kmayan kay sehu niya pkkayan na kinbahan uzi, ba'a balay ba kmayan kay ta tayan ru mung na kay ta Tayan la pi! pyanga sa myulung balay ru msin_gi'u balay ku kinta'yux ta.

txiy ku min'mukan nya ru min'syexan nya tikay lku rozi ta nku yuwaw hani ga, lgiy psyax hazi ku kayan lga, niwan sa kyan utux na 'ba niya nya gyahan babaw kayan krangi nya na nyaway gmyah, ana nanu lga ba'un nya mta'yux uzi la. mwana kwara na yaba yaya ta ru nbkis ta ga, krangi ta na utux 'ba hasa gyahay ta inlungan ta, ru galaw ta lozi ku sinbilan binkisan ta na blay balay nku Gaga ta ru Kay ta Tayan. halay ta psba kwara lla'i ta ru kinbahan ta kwara, nki ini krangi sa sin_gi'u maha kasa niya mmemung krryax ru mtberaw pplaka krryax llingay ta ru mmuwah 'mwasux ku inlungan ta ana knuwan.

107 年全國語文競賽原住民族語朗讀【澤敖利泰雅語】 國中學生組 編號 1 號

霧裡飄飄

出現曙光，望著廣大無際的天空，突然看到像是影子，又寬又長，
偶而蓋住樹林，穿梭在山林裡，像是一條巨蟒的那個霧層。

想起有天，祖父、母去都市探望孫子，孩子聽不懂族語的寒暄，祖
父、祖母非常地驚訝，為何孩子連一句族語都不會說？他們的眼前像是
迷霧，不知前往哪個方向。」

現在的小孩，父母親不會說族語，難怪小孩既不會說族語，也不會
聽族語，彷彿就像是在一層雲霧裡無法看清。

每當有東西蓋矇住雙眼，只要用手一撥，一切便能明朗。希望我們
能把祖先所留下來的文化及語言傳承給下一代，這樣才不會像雲霧一樣，
漂浮於山林中。

國中組 編號 2 號

magan ali

kyan utux ryax, minwah ling_wa ni yutas kyalun sami nya maha, tmangu abaw misu ryax soni la, ryax na magan ali uzi, iriy uwah magan ali sku alang ta lki!

ye'igiy aring kung la'i tikuy lga miru kung hugan heci la. sungun smawgan kung balay myanux sku rgyax na alang, tiku tehuk lku ryax na lmamu ali lga, mutuw sami mgluw yutas yaki, yaba yaya, musa rgyax magan ali wiy mgnaw, wiy lmpuw sa pisa minamu muw na ali blay balay gnogun ru kyan ggalan nku pila uzi. masu sami lmamu ali lga, mutuw sami nya bi'an pila nku yutas yaki myan ru kyalun sami nya maha u, yegiy la'i simuw tikuy na lunga sa ini simuw ptna'iy sku bbay myan na bsuyan mamuw na pila, siki laga mutuw sami nya khyuw may nanak na pila, memaw sami m'as ki sway muw ki. ana ga kyalun myan yutas yaki uzi maha, lgiy sami psba'iy kay Tayan son nanu mkuw kmayan ru ana nanu kay nku ali, ru ana r'tung kay na kkyalan kinyanux nku utux ryax, tiyalagay! blay balay ki!

kinsasan nya lga mluw sami traku musa sami mta'yux yutas yaki, ini intazin kakay myan nku alang lga sami ki bsuyan knerin, sway tmalung ru sway knerin, memaw sami plaka musa tgiba nku pyang myan snun balay krryax na yutas yaki. ini kkilux tinlngan myan na 'ngan lga, memaw sami tzinah musa zik rruma magan ali. siy txiy ku niya mp'hut ru mtkpah na ali hasa ga, memaw niya inblay pbkuw 'siy ga hitay niya s'rux kya. blay balay txan ki!

yaki hiya ga lgiy niya magan ali, lgiy niya nya sbuling tesuruw ali ssyun nya nku kisi. waw! tiya kinba smpung yaki. minuling nya ali hasa ga, niya 'siy tinblay m'yup zik na kisi. ana utux ali ga ini nya htagiy tikay rhyan ki. kinsazing nya lozi maha kasa ku magan ali, ini kbsya lga ima ba sa rema niya spunan kwara ali ku kisi nya la. waw! lokah balay ku yaki ta ki!

kyalun muw ku yaki maha, kba'ay muw maha nanu ku a'ayaw pinanga su ali lki! txay ta maha nanu ku kinba'an muw isu? pson muw nanu wiy kung magan ali, wiy kung panga ali, wiy kung muling ali, iy! huwa muw sbuling ali ga ini k'yup tikay kisi? niya 'siy t'utux t'utux mhutaw rhyan la. txan kung naha ku pinbuling muw ali hasa ga memaw kung naha psya'an kwara, 'siy kung ksa'yux ki, sungun blay balay gnawgun ki! tehuk s'ka tunux ku witux lga, s'utang kwara buwas myan la, ulung helaw balay phapuy kinryaxun ku yaya muw, lunga sa yenga kyan nku suyaw, syux ru 'yung ali, ana bsya balay snku nya na sinbwaxan ga phtgun nya kwara ru pkni'an sami nya kwara, blay balay ni'un ru memaw sami mtngi kwara la. babaw ryax, atuna kyan hngi'an muw lozi ryax ga wahan muw panga ali lozi, nki muw ini yengay nku minlmawsay ppanga muw ali nku kinyanux ta alang.

國中組 編號 2 號

採竹筍

從小在都市裡讀書，一直很嚮往山上的生活，每到了採竹筍季節，就會跟著家人到山上幫忙採竹筍。採完後，爺爺奶奶還會給我們零用錢。爺爺奶奶也會教我們竹筍以及採竹筍的相關的族語。

接到爺爺電話的隔後，我們就出發到竹園裡採竹筍，看到密密麻麻的竹筍排列整齊很壯觀！

奶奶一邊採竹筍，一邊把竹筍往後面的背簍丟，一會兒就裝滿了竹筍！

我學奶奶背上背簍，邊採竹筍邊丟進背簍，怎麼都丟不準？掉在地上，害我很不好意思。中午，奶奶煮豬肉、魚肉、竹筍湯、醃山肉給我們吃，我們吃得很飽足，希望還有機會再去體驗。